

drôles idées!

- Docteu'** Absolument, i' n'est pas possiblye que ta memèe qu'a tréjous tè eune femme intèlligente peut craithe ditet.
- Lise** Si-fait, oulle est convaintchue que les vouaix li donnent des instructions et même des ordres.
- Docteu'** Pour de mé je n'accepte pon de pathelles idées. Ch'est seux que la bouannefemme est dêrangie. Mais par tchuthiôsité tch'q'e ches vouaix lî disent?
- Lise** Ch'est chenna qui m'gêne, car les vouaix lî dissent que si ou' veurt vivre un autre 80 ans i' faut qu'ou' s'mette au let pour le restant de ses jours, et mé j'm'en vais être à la servi niet et jour. Ch'est pus que je'n peut faithe.
(Presque en lèrmes.)
- Docteu'** J'ai oui toutes sortes dans ma vie mais jamais rein comme chenna. l' m'semblye que si ou' persiste i' s'en va faller la mettre à l'âsile.
(Nou ouit du rêmuage.)
- Lise** Chute! Je crai que la v'la qui veint.
J'm'en vais lî pâsler séthieusement.
- Docteu'** *(Madame de la Cour entre; oulle a l'air de mauvaise humeur.)*
- M-D-L-C** Tch'est qu'chenchin veut dithe? Pourtchi que l'Docteu' est ichin...? Et pourtchi que tu n'est pas à faithe le travas que j't'ai dit d'faithe té Lise?
- Lise** *(Trantchillement.)* Le Docteu' a seulement entrè en passant pour s'asseûther que j'étions toutes les duex en bouanne santé.
- M-D-L-C** *(Aigrement.)* Ch'est bein drôle chenna; il a bein de la peine à v'nin quand il est d'mandé. l' y'a tchiquechose ichin que j' ne comprends pas mé.
- Docteu'** Je crai qu'ous avez grande bésouin de mes soins quand 'ous êtes à faithe la minne de oui des vouaix.
- M-D-L-C** *(Enragie.)* À faithe la minne! Rachouard et achocre qu'ous êtes! J'vos certifie que mes vouaix me pâsle cliéthement et m'disent qui faut me